

Dragi prijatelji/ce,



Predstavljamo vam **junsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine koja za sada broji **179** organizacija i **113** pojedinaca iz **75** mjesta BiH.

Bilten izlazi na bosanskom-srpskom-hrvatskom i engleskom jeziku.

Sadrži informacije o radu ORC-a Tuzla, mjesečne aktivnosti omladinskih organizacija, grupa i pojedinaca - članova Omladinske mreže BiH, njihove planove za naredni period, te ostale značajne informacije kao što su pozivi na

konferencije i seminare, donatori, školarine, stipendije i sl.).

Ukoliko želite da budete na mailing listi za naredna izdanja mjesečnog biltena, ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

Aktivnosti u junu 2015.	2
Planovi za juli 2015.	5
Aktivnosti dijela članica mreže	6
Novi članovi	18
Informacije / donatori / pozivi	20

AKTIVNOSTI ORC/ hCa U JUNU 2015.

✚ PREKOGRANIČNA GRAĐANSKA MREŽA ZA MIR, POMIRENJE I SIGURNOST LJUDI NA BALKANU



Izvršili smo selekciju kandidata iz Bosne i Hercegovine za ljetnu školu koja će se u organizaciji CRDP Priština, Kosovo, održati od 5. do 11. avgusta u Prištini. To su: Daria Vilušić – Tuzla, Jasmin Hasanović – Sarajevo, Maja Mirković – Sarajevo, Mladen Pejić – Tuzla i Slobodan Blagovčanin – Bijeljina.

U sklopu projektnih aktivnosti u ovom regionalnom partnerskom projektu, Omladinski resursni centar (ORC) Tuzla nastavlja sa aktivnostima na istraživanju „Aspekt ljudske sigurnosti mladih koji žive u kolektivnim centrima, ili „alternativnim smještajima“ u BiH. Kroz aktivnosti unutar istraživanja ćemo se fokusirati na dva glavna pitanja: Sa kojim opasnostima/problemima koji se tiču ljudske sigurnosti se susreću mladi u kolektivnim centrima ili alternativnim smještajima u BIH? i koje su to opasnosti i poteškoće sa kojima se mladi susreću nakon odlaska iz kolektivnih centara i alternativnih smještaja.

Planirano je da tokom istraživanja održimo 10 fokus grupa i 18 intervju. Više o ovim aktivnostima možete pročitati u našim sljedećim biltenima, kao i na: www.omladina-bih.net

Projekat „Prekogranične građanske mreže za mir, pomirenje i sigurnost ljudi na Balkanu“ implementira Helsinški parlament građana Turska, zajedno sa partnerima: ADP ZID Crna Gora, SeConS Srbija, Institut za regionalne i internacionalne studije Bugarska, Centar za istraživanje, dokumentaciju i publikovanje Priština Kosovo, Omladinski resursni centar Tuzla. Projekat je podržan od Evropske Unije.

✚ SASTANAK PARTNERA OMLADINSKOG DOGAĐAJA „YET“ U TUZLI

23. juna je u prostorijama „IPAK Mladost gradi budućnost“ održan sastanak povodom predstojeće omladinske konferencije „Uvijek postoji izbor“ – civilna hrabrost u vremenu rata i mira, koja će se održati u Tuzli, od 27. do 30. avgusta ove godine. Tokom sastanka partneri su se dogovarali o koracima koji predstoje za pripremu događaja kao što je smještaj učesnika, logističke informacije oko otvaranja i zatvaranja događaja, rasporeda radionica i slično.

Istoga dana održan je i sastanak sa gradonačelnikom Tuzle, gospodinom Jasminom Imamovićem. Nakon što su partneri predstavili rad svojih organizacija i važnost događaja, koji će okupiti 150 mladih ljudi, gradonačelnik je obećao podršku grada.



Tokom realizacije događaja grad Tuzla će organizatorima obezbijediti javne površine, promociju, prostore za održavanje treninga i kulturnih događaja. Više informacija i način kako da se prijavite možete pronaći na linku:

<http://www.mreza-mira.net/19576-dogadaj-za-mlade-2015-u-tuzli/>

www.omladina-bih.net

SASTANAK SA PREDSTAVNICIMA GRAĐEVINSKO - GEODETSKE ŠKOLE TUZLA

U četvrtak, 18. juna predstavnici Omladinskog resursnog centra održali su sastanak sa direktorom i profesoricom Građevinsko - geodetske škole Tuzla povodom omladinske razmjene koja će biti realizovana u toku mjeseca septembra.

Razmjena će uključivati 30 učenika iz Njemačke i Bosne i Hercegovine, uz predstavnike škola i omladinskih organizacija koje su uključene u realizaciju razmjene. U sklopu razmjene predviđen je i sastanak partnera koji će se održati od 14. do 18. avgusta u Njemačkoj. Sastanku će prisustvovati Boško Vlajić i Slobodan Blagovčanin.

ONLINE AKTIVNOST – TRAZIM POSAO.BA

Facebook grupa „Tražim posao.ba“ počela je sa radom 10. juna 2015. godine na inicijativu ORC-a Tuzla i Omladinske grupe Omladinskog resursnog centra. Cilj ove grupe jeste promoviranje kompetencija svih osoba koje su u potrazi za poslom i omogućavanje pronalaska odgovarajućih poslova u Bosni i Hercegovini i inozemstvu.



uposlite.
me

Grupa broji preko 1800 članova osoba starije i mlađe populacije, nezaposlenih i poduzetnika, a svakim danom veći je broj onih koji nam se pridružuju. U grupi se pored konkursa za poslove svih vrsta, te poziva na edukativne aktivnosti, postavljaju i životopisi članova. Oni koji su u potrazi za poslom, čija je svrha promoviranje vlastitih sposobnosti, svojim životopisom pokušavaju „zavesti“ nekoga od potencijalnih poslodavaca. U grupi se dnevno objavljuje preko 50 postova.

Grupu možete pronaći na sljedećoj poveznici:

<https://www.facebook.com/groups/695762113862117/?fref=ts>

OMLADINSKA GRUPA ORC TUZLA

► TRENING „SJEĆANJE U POKRETU“

Forum ZFD (Forum Civilna Mirovna Služba) u Bosni i Hercegovini u saradnji sa Udruženjem nastavnika i profesora historije/Istorije/povijesti Bosne i Hercegovne (EUROCLIO HIP BIH), Inicijativom mladih za ljudska prava (YIHR-BiH), Humanity in Action Bosna i Hercegovina i Anna Frank House, organizirali su trening obuke za buduće trenere/trenerice u okviru projekta „Sjećanje u pokretu“ uz promociju istoimenog pedagoškog alata o kulturi sjećanja i ulozi spomenika.

Ovaj trening se održao u nekoliko gradova Bosne i Hercegovine. Trening se u Tuzli održao 13. i 14. juna u prostorijama IPAK Mladost gradi budućnost. Ovom treningu je prisustvovalo 15 učesnika, a predstavnici Omladinske grupe Omladinskog resursnog centra bili su **Slobodan Blagovčanin** i **Sokoli Merita**.

► STUDIJSKO PUTOVANJE U NJEMAČKU

Institut Perpetuum mobile, u saradnji sa partnerima iz Njemačke, organizovao je studijsko putovanje u Njemačku (Jugendsiedlung Hochland, Königsdorf, u blizini Minhena) za omladinske radnike i lidere/ke u BiH.

Ove godine sedamnaest omladinskih lidera/ki iz Bosne i Hercegovine u periodu od 7. do 13. juna 2015. godine učestvovali su u studijskoj posjeti. Ovi mladi ljudi imali su priliku da posjete omladinske centre u Wolfratshauzenu (Wolfratshausen) i Kenigsdorfu (Königsdorf).

Na studijskom putovanju u Njemačkoj, **Dijana Osmanović** je imala priliku da predstavi rad Omladinskog resursnog centra Tuzla, te opštinu Tuzla.

► INOVACIJSKI TURNIR

„Inovacijski turnir“ Omladinske banke - fondacije „Mozaik“ održan je 14. 06. 2015. godine u Živinicama. Cilj turnira je bio selekcija, bodovanje i podjela bespovratnih sredstava za organizacije i neformalne grupe sa područja opštine Živinice.

Na jednodnevnom turniru, član komisije za odabir projekata, bio je i **Bajrić Eldar**, član Omladinske grupe ORC Tuzla. Na turniru je učešće uzelo oko 45 mladih osoba sa područja opštine Živinice koji su cijeli dan, uz pomoć facilitatora, dorađivali svoje ideje i spremali ih za finalnu prezentaciju pred komisijom.

Projekat i bespovratna sredstva su osigurana uz pomoć Fondacije Mozaik i opštine Živinice.

► POLUGODIŠNJA VOLONTERSKA PROSLAVA AMBASADE SAD

Dana 9. 6. u kompleksu Ambasade SAD u Sarajevu, održana je proslava Polugodišnjeg programa „Izazov“. Na fešti je bilo prisutno oko 80 učesnika.

Na mini-ceremoniji Omladinskom resursnom centru Tuzla dodijeljen je certifikat zahvalnosti za rad u proteklom vremenu trajanja projekta „Izazov“. Održana je i rasprava o budućnosti samog programa.



Ovo je samo polugodišnja proslava programa „Izazov“. Podrška za ovaj program trajeće još oko šest mjeseci.

► „MOST PRIJATELJSTVA“

U okviru projekta „Most Prijateljstva“, u Bujanovcu u Srbiji u periodu od 6. do 7. juna održano je dvodnevno druženje mladih. Projekat je realizovan zahvaljujući finansijskoj podršci od strane projekta „Most Prijateljstva“ Čelarevo.

U druženju je učestvovalo dvadeset učesnika iz: Albanije, Bosne i Hercegovine, Makedonije i Srbije. Bosnu i Hercegovinu su predstavljala 3 člana Omladinske grupe Omladinskog resursnog centra Tuzla: **Lela Mujkić, Mehmed Sulejmanović i Nedim Osmanović.**

▶ AKTIVNOSTI GRUPE

Grupa je tokom juna realizovala tri sastanka na kojima su prisustvovala i dva nova člana - **Daria Vilišić i Faruk Gutić;**

- Grupa nastavlja raditi na realizaciji i promociji kampanje **#97961n;**
- Članovi Omladinske grupe Omladinskog resursnog centra Tuzla će tokom jula raditi na realizaciji projekta „**Živi zdrav život vol. 2**“. Prisjećanja radi, „Živi zdrav život“ je bio projekat prvijenac OGORC-a. Ovaj projekat je podržan od Fondacije tuzlanske zajednice;
- Realizacija prve aktivnosti projekta „Živi zdrav život“, turnir u košarci;
- Tokom jula ćemo nastaviti sa aktivnostima promocije i uređivanja fb stranice Tražim posao.ba



+ REDOVNE AKTIVNOSTI

Tokom juna smo u sklopu naših redovnih aktivnosti radili na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti), održavali i redovno dopunjavali informacije na našoj web stranici www.omladina-bih.net, slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima), vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

PLANUVI HCA/ORG-A ZA JULI 2015.

- Sprovođenje redovnih aktivnosti kroz Omladinsku mrežu BiH;
- Nastavak aktivnosti u okviru Prekogranične građanske mreže za mir, pomirenje i sigurnost ljudi na Balkanu (nastavak rada na istraživanju – organizovanje sastanka sa stejkholderima);
- Početak aktivnosti u okviru koraka 7 (STEP 7) ALF BiH (godišnji sastanak članica ALF BiH);
- Zasluženi godišnji odmor!

Više informacija na našoj web stranici: www.omladina-bih.net

AKTIVNOSTI ČLANICA OMLADINSKE MREŽE BIH



Udruga za edukaciju, informisanje i afirmaciju mladih "INPUT"
Prvomajska b.b., 72 000 Zenica
Tel./fax: 061 766 532
E-mail: input.ze@gmail.com
Web: www.input.tech.ba

✚ OTVOREN PRVI CENTAR ZA MLADE INPUT U ZENICI

Dana, 17. 06. 2015. godine udruženje INPUT iz Zenice, koje se bavi edukacijom i afirmacijom mladih, svečano je otvorilo Centar za mlade INPUT u Zenici. Svečanom otvaranju prisustvovala su zvanice te članovi udruženja, a presijecanjem vrpce gradonačelnik Husejin Smajlović je i zvanično otvorio centar, te poželio sretan rad.

Otvaranju je prisustvovala i predsjedavajuća Skupštine Ze-Do kantona, Draženka Subašić, kao i direktori javnih institucija i brojni predstavnici nevladinih udruženja.

Ovom prilikom je predstavljen dosadašnji rad Udruženja, brojni implementirani projekti, radionice kao i planovi za budućnost. Istaknuto je da sve što se nalazi u samim prostorijama centra je napravljeno isključivo volonterskim radom članova udruženja.



Po prvi put u Zenici je otvoren CENTAR ZA MLADE INPUT koji je namijenjen svim mladim ljudima koji su zainteresovani za dodatnu edukaciju, društveni angažman i volontersko iskustvo i praksu. Centar okuplja sve zainteresovane i podstiče ih na zajednički rad.

Korištenjem ovog centra mladi će dobiti priliku za svoje prvo iskustvo kako kroz neformalno obrazovanje, tako i učešćem u kreativnim radionicama i stvaranjem vlastitih kreacija, kao i kroz volonterski rad, kao potrebe za izgradnju moralnih i društveno odgovornih osoba.

Udruženje je prepoznalo probleme s kojima se mlade osobe danas susreću, te zajedno s članovima udruženja aktivno radi na pronalaženju rješenja, realizaciji ideja i poboljšanju statusa mladih.

Centar za mlade INPUT vode obrazovani mladi ljudi sa stručnim znanjima iz različitih oblasti, a Centar koristi internu i vanjsku stručnost kako bi izgradio tim koji radi na ispunjenju strateških pravaca organizacije, vizije i misije, i to onih vizija i misija i vrijednosti koje su zajednički cilj svih članova udruženja.

Kreativnost, motivacija i sposobnost rada sa mladim ljudima osobine su svih članova udruženja koji ovom prilikom pozivaju i žele dobrodošlicu svim budućim članovima udruženja, kojima će vrata centra uvijek biti otvorena. Ovim povodom želimo sretan i uspješan rad centra za mlade INPUT Zenica. Aktivnosti i rad INPUT-a možete pratiti putem web stranice:

www.inputcentar.com i fb:<https://www.facebook.com/udruzenje.input?fref=ts>

**INSTITUT ZA RAZVOJ MLADIH KULT**

Ul. 4. viteške brigade 34-36 BA, 71 210 Ilidža, Sarajevo

E-mail: kult@mladi.org

Tel.: 033 778 778; fax: 033 778 779

Web: www.mladi.org**✚ POSLOVNI PROSTOR BH: U 2014. ZABILJEŽEN PAD IZDVAJANJA PRIVREDI ZA 19,5 POSTO**

U okviru projekta „Poslovni prostor BiH“ Instituta za razvoj mladih KULT, završeno je istraživanje o budžetskim poticajima koje su institucije vlasti izdvajale za razvoj privrede u 2013. i 2014. godini, u vidu bespovratnih i povratnih sredstava. Istraživanjem su obuhvaćene 133 institucije vlasti i više od 600 miliona KM izdvojenih sredstava za poticaje privredi u BiH. Istraživanje je, tvrde iz Instituta, pokazalo negativan trend budžetske podrške bh. privredi.



„Ukupno za poticaje privredi, institucije koje su dostavile podatke, planirale su 390.892.989,18 KM u 2013. g. odnosno 330.040.331,93 KM u 2014., dok su izvršeni poticaji iznosili 325.606.866,42 KM u 2013. odnosno 262.237.336,36 KM u 2014. Zbir ukupnih izvršenih poticaja privredi, u obje godine, iznosi 587.844.202,78 KM. Dakle, zabilježen je pad izdvajanja privredi za 19,5% u 2014. godini“ - izjavio je Rusmir Pobrić, voditelj projekta "Poslovni prostor BH" u Institutu za razvoj mladih KULT.

Istraživanje je pokazalo da poljoprivreda ima najveći procenat učešća u ukupnim poticajima privredi u obje godine i to sa učešćem od 54%. Nakon nje slijedi industrija sa 18%, zatim usluge, razvoj preduzetništva i obrta, te turizam. Jako je zanimljivo, da za IT sektor, koji je posljednjih godina najtraženije zanimanje, nije bilo izdvajanja. Najzastupljenije sektorske grane jesu obrazovni (34,6%) i sportski turizam (27,6%), dok su u potpunosti nezastupljeni planinski i morski turizam (0,0%). Bilježi se i slaba zastupljenost eko, zdravstvenog i vjerskog turizma (od 0,5 do 1,3%) u ukupnim poticajima za turizam, dodao je Pobrić.

Rezultati istraživanja bit će korišteni kao jedan od izvora za izradu analize stanja u oblasti raspodjele budžetskih poticaja perspektivnim granama privrede u BiH. Analiza stanja, uz identificirane perspektivne grane privrede, služiti će kao platforma za kreiranje preciznih smjernica za unapređenje procesa za sve institucije koje finansijski potiču i stimulišu razvoj privrede.

Inicijativa „Poslovni prostor BH“ provodi se u okviru Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID) i Vlade Velike Britanije.

✚ KREIRAN PREDNACRT STRATEGIJE PREMA MLADIMA U FBiH

Mladi u Federaciji Bosne i Hercegovine znaju šta žele. Pokazali su to učestvujući u „Dijalogu: Strategija prema mladima u FBiH“. Njihove smjernice uvrštene su u prednacrt strategije, koja bi trebala biti kreirana do kraja ove godine.

Peti sastanak Radne grupe za izradu strategije održan je u Mostaru. Na sastanku su članovi Radne grupe kratko evaluirali događaj „Dijalog: Strategija prema mladima u FBiH“, planirali su buduće korake, a najveći dio sastanka posvetili su prednacrtu Federalne strategije prema mladima koja je kreirana na osnovu do sada napisanih matrica, analize stanja u svim relevantnim oblastima i institucijama, te na osnovu preporuka organizacija civilnog društva koje su učestvovala u Dijalogu.

Posebna pažnja posvećena je određivanju nadležnosti svake institucije za sve mjere u prednacrtu strategije. Planirano je da strategija sadrži sedam oblasti i to:

- Rad, zapošljavanje i preduzetništvo mladih,
- Obrazovanje i nauka mladih,
- Socijalna briga mladih,
- Zdravstvena zaštita mladih,
- Sigurnost mladih,
- Kultura, umjetnost i sport,
- Aktivizam (učesće, volontiranje i mobilnost) mladih.

U narednom periodu članovi Radne grupe će detaljno pregledati prednacrt, dostaviti komentare i sugestije, te odrediti za koje mjere su nadležni i na koji način će ih provoditi. Usvajanje strategije prema mladima, na svim nivoima u Federaciji, uslovljeno je Zakonom o mladima FBiH čije je donošenje inicirao Institut za razvoj mladih KULT, a koji je usvojen u junu 2010. godine. Proces izrade Strategije prema mladima u FBiH koordinira Federalno ministarstvo kulture i sporta, a Institut za razvoj mladih KULT je, odlukom Vlade FBiH, imenovan za pružanje stručno – konsultativne podrške u tom procesu.

POČINJE UMiD ONLINE OBUKA

Institut za razvoj mladih KULT raspisao je javni poziv za prijavu učesnika na regionalne konferencije UMiD online koje će se u julu održati u Velikoj Kladaši, Sarajevu, Jablanici i Srebrenici. Na ovim konferencijama prvi put će biti predstavljena UMiD (Uči, misli i djeluj) online obuka. UMiD obuka do sada je obavljena 11 puta u učioničkoj verziji, a sada će je, u online verziji, proći najmanje 400 mladih ljudi koji će biti učesnici UMiD online konferencija.

U tu svrhu pokrenuta je i Facebook stranica online aktivizam koja ima za cilj okupiti mlade ljude, polaznike UMiD online obuke, kako bi im se ukazalo na to da online aktivizmom mladi ljudi mogu direktno i indirektno doprinijeti svojoj lokalnoj zajednici ali i šire.

„Cilj nam je da pokažemo mladim ljudima da baš oni, kao pojedinci, mogu promijeniti društvo. Sve velike promjene nekada su bile male i krenule su od jednog čovjeka, od jedne ideje. Kroz našu stranicu edukovat ćemo mlade ljude o online alatima i to kroz infografike iz brošure „Online aktivizam za početnike“. Također, obavještavat ćemo ih o UMiD online obuci. Ono što je najvažnije, mladim ljudima dat ćemo prostor i priliku da javno i otvoreno razgovaraju o promjenama koje žele donijeti i o načinima na koje to misle postići“ – kaže Mirela Ajanović iz Instituta za razvoj mladih KULT.



POZIV na konferencije UMiD online

Želiš postati omladinski aktivista/ica ili lider/ica promjena u svojoj zajednici?
Želiš učiti, misliti i djelovati i usto upoznat i još 99 mladih?

10. JULI 2015. godine o informacije se nalaze na www.umid.org.ba ili na linku ispod slike

STAV Četiri regionalne konferencije na kojima će biti predstavljena "Uči, misli i djeluj" - UMiD online obuka za omladinske lider/ice i aktiviste/ice koji žele biti nosači promjena u svojoj lokalnoj zajednici.

KO? Institut za razvoj mladih KULT

GDJE? Konferencije se održavaju u regionalnim UMiD online centrima, koje vode Institutovi partneri u Velikoj Kladaši, Jablanici, Srebrenici i Sarajevu.

KAKO SE PRIJAVITI? Sve potrebne informacije o načinu prijave, datumima i lokacijama održavanja UMiD online konferencija možete saznati na linku ispod!

ZAŠTO se prijaviti?

- UMiD online obuka je stručna online obuka koja omogućuje mladima da se upozna sa:
 - potrebama mladih u zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici
- UMiD online obuka je stručna online obuka koja omogućuje mladima da se upozna sa:
 - potrebama mladih u zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici
- UMiD online obuka je stručna online obuka koja omogućuje mladima da se upozna sa:
 - potrebama mladih u zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici
 - načinima na koje mladi mogu biti nosači promjena u svojoj lokalnoj zajednici

Prilikom prijave potrebno je priložiti:

- potvrdu o prijavi iz škole ili srednjoškolske ustanove
- potvrdu o prijavi iz škole ili srednjoškolske ustanove
- potvrdu o prijavi iz škole ili srednjoškolske ustanove

Prilikom prijave potrebno je priložiti:

- potvrdu o prijavi iz škole ili srednjoškolske ustanove
- potvrdu o prijavi iz škole ili srednjoškolske ustanove
- potvrdu o prijavi iz škole ili srednjoškolske ustanove

Prilikom prijave potrebno je priložiti:

- potvrdu o prijavi iz škole ili srednjoškolske ustanove
- potvrdu o prijavi iz škole ili srednjoškolske ustanove
- potvrdu o prijavi iz škole ili srednjoškolske ustanove

Svi mladi koji uspješno završe obuku dobiti će certifikat. Još važnije, dobit će praktična znanja i vještine koje će u budućnosti moći iskoristiti u poslovnom svijetu.

DJEVOJČICE IZ DJEČIJEG HORA PRINCESS KROFNE OTVORILE 10. DAN MLADIH OPĆINE ILIDŽA

Obrazovno rasonodni centar za mlade SPAJALICA, čiji je osnivač Institut za razvoj mladih KULT, za Dan mladih Općine Ilidže odjekivao je dječijim osmjesima i grajom. Mališani su uživali u raznovrsnim aktivnostima. Okušali su se u raznim sportskim aktivnostima kroz Igre bez granica, nasmijani klaun

zabavljao ih je kreiranjem životinja od balona, a oni najmlađi, polaznici Škole prijateljstva, uživali su u crtanju i dječijim igricama.

„Sretni smo što je SPAJALICA mjesto susreta djece i mladih sa područja Općine Ilidža, ali i cijelog Sarajeva. Volonteri Instituta za razvoj mladih KULT zaista su se potrudili da 10. jubilarni Dan mladih ostane u dugom sjećanju mladima“ - izjavila je Abela Purivatra, saradnica za odnose sa javnostima Instituta za razvoj mladih KULT. Dan mladih objedinio je dječji program, te sajam NVO ali i nogometni turnir za mlade. Kompletnu manifestaciju organizovali su volonteri Instituta za razvoj mladih KULT, uz podršku Općine Ilidža.



KAFA SA SFF-OM: „MOJE LJETO REZERVISANO JE ZA VOLONTIRANJE!“

„Volontiranje na Sarajevo Film Festivalu za mene je najbolji dio godine. Ako moram, propustim i odlazak na more. Moje ljeto rezervisano je za SFF.“ Ovako svoju priču počinje dvadesetogodišnji Nedžad koji već nekoliko godina volontira na Sarajevo Film Festivalu. Nastavlja Nedžad govoriti o ljudima koje je kroz volontiranje upoznao, o iskustvima koja su, kaže, najvrjednije što svake godine ponese.

O volontiranju, mogućnostima i iskustvima koje volontiranje pruža i to na najvećem filmskom festivalu u regiji – Sarajevo Film Festivalu, govorilo se u Obrazovno-raznodnom centru za mlade SPAJALICA.

Gosti sesije „Kafa sa“ bili su Aida Šehić, koordinatorica volontera na SFF-u, te Nedžad i Dijana, volonteri. Aida Šehić je govorila o mogućnostima koje volontiranje pruža mladoj osobi, ali i o tome šta se očekuje od volontera. Goste SPAJALICE, a mnogi od njih su ujedno dugogodišnji volonteri Instituta za razvoj mladih KULT, zanimalo je kako se mogu prijaviti ali i koje pogodnosti, kao volonteri Festivala, mogu očekivati. „Odlazak u Novi Sad i volontiranje na Exit festivalu, uz pokriveno sve troškove, jedna je od najvećih pogodnosti“, istakla je Aida Šehić. Dodaje da volonteri mogu gledati filmove ali i dobiti karte za neke od zabava SFF-a.



Iskustva volontera SFF-a oduševila su prisutne. Njihova požrtvovanost i želja da volontiraju, ne samo na Sarajevo Film Festivalu nego i generalno, podstakla je mlade na razmišljanje.

Statistike govore da je više od 20% Europljana starijih od 15 godina uključeno u volonterski rad. Naša zemlja, s druge strane na dnu je te ljestvice. Ipak, iskustva o kojima su govorili mladi volonteri Sarajevo Film Festivala i Instituta za razvoj mladih KULT, dokaz su da bi se statistike mogle promijeniti. Zakon o volontiranju FBiH usvojen je 2013. godine, a usvajanje je inicirao Institut za razvoj mladih KULT.



UDRUŽENJE GRAĐANA "KRIVA RIJEKA"

Solun bb, 71340 Olovo

Tel/Fax: 032/827-212

E-mail: ug.krivarijeka@hotmail.com

DNEVNI CENTAR ZA DJECU

Udruženje građana „Kriva Rijeka“ Solun, Olovo daje doprinos u stvaranju boljih i kvalitetnijih uslova života svih građana na području općine, a posebno djece i mladih kroz unapređenje sportskog, kulturnog i obrazovnog života. Na taj način doprinosimo ukupnom razvoju lokalne zajednice i kvalitetnijeg života u njoj.



Od 19 udruženja koja su aplicirala projektima IN Fondaciji, tri udruženja su ispunila kriterije donatora. Jedno od ta tri udruženja je i naše Udruženje. Projekat koji je dobio podršku donatora je „Moj drugi dom“ ili Dnevni centar za djecu. Projekat kreće sa realizacijom u septembru 2015. god. i trajat će do septembra 2016. god. Trenutno je u fazi i mala rekonstrukcija prostora u kojem će biti smješten Dnevni centar za djecu.

Projekat će se provoditi na području opštine Olovo, jer postoji izražena potreba za projektom ovakve vrste. Imamo obezbijeđene infrastrukturne, tehničke i ljudske resurse za uspostavljanje i vođenje dnevnog centara. Lokacija na kojoj planiramo uspostaviti dnevni centar koji bi radio u punom kapacitetu je mjesna zajednica Solun, koja je 8 km udaljena od centra Olova i smještena je uz rijeku Krivaju. U blizini objekta je opremljeno školsko igralište i travnata površina.

Opšti cilj projekta je poboljšanje kvaliteta života i pružanje podrške djeci iz Soluna da odrastu u zdrave i odgovorne osobe koji će biti aktivni članovi svojih zajednica.

Specifični ciljevi projekta su: Stvoriti održivi dnevni centar u Solunu koji će pružiti visokokvalitetnu i fokusiranu podršku za djecu koja dolaze iz porodica sa višestrukim problemima, Osnažiti 30 djece koja potiču iz porodica sa višestrukim poteškoćama kroz jačanje njihovog samopouzdanja, unapređenje životnih vještina, pružanje pomoći u učenju i širenje socijalne mreže i podrške, Osnažiti 30 roditelja djece korisnika dnevnog centra i povećati njihove roditeljske kompetencije.

Ciljna grupa su djeca sa područja Soluna koja odrastaju u porodicama sa višestrukim problemima. U projekat bi bilo uključeno ukupno 30 djece, uzrasta od 5 do 16 godina. Pored 30 djece koji će biti naša ciljna grupa, projektom će direktno biti obuhvaćeno: 30 roditelja djece korisnika centra koji će kroz aktivnosti dnevnog centra dobiti podršku i pomoć u odgoju i obrazovanju djece, ali i svom ličnom osnaživanju; 10 volontera, srednjoškolaca, koji će steći iskustvo u radu sa djecom i unaprijediti svoje vještine; 3 mlada školovana profesionalaca, koji su trenutno nezaposleni, a biće angažovani na direktnoj implementaciji projekta kao koordinatori centra, aktivnosti i volontera.



KINDERPOSTZEGELS

voor kinderen door kinderen

U direktnom radu sa djecom biće angažovane 3 osobe na puno radno vrijeme: Benisa Avdibašić, prof. Razredne nastave, biće angažovana kao Koordinator Dnevnog centra, Amra Mešić, Prof. Bosanskog jezika, biće angažovana kao Koordinator aktivnosti, Lejla Šehić, Dipl. Socijalni radnik, biće angažovana kao Koordinator volontera.

Na projektu će biti angažovano ukupno 3 osobe: psiholog sa 25 % radnog vremena, medicinska sestra 30 % radnog vremena i računovođa.



OMLADINSKA ORGANIZACIJA "SVITAC"
Jusufa Čampare bb, 76 100 Brčko Distrikt
Tel./Fax: 049 211 032
Email: svitac@teol.net
Web: www.svitac.org
FB: www.facebook.com/omladinska.svitac

KREATIVNE RADIONICE

Omladinska organizacija Svitac je u junu nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 13:00-15:30 časova. Ovaj mjesec mala grupa je nastavila sa neformalnim učenjem na temu razlikovanje boja, oblika, rad na kolažima, čitanje pjesmica koje bi se putem ponavljanja usvajale, čitanje basni, nakon čega bi uslijedila kratka diskusija odgovarajuća za uzrast. Grupa je takođe pravila ogrlice od jestivih žitarica i sitnih slatkiša, čemu su se mališani posebno obradovali.



Radionice se održavaju u Omladinskom centru Brčko distrikta. Koordinator radionica je Sanja Radovanović, uz asistenciju EVS i Weltwaerts međunarodnih volontera, Tamare Wonner i Nicolasa Zduna iz Njemačke, te Johna Streatfileda, Isembarda Rynera i Steph Burland iz Velike Britanije. Trenutno ima 35 učesnika.

MUZIČKE RADIONICE

► Radionice gitare

Učesnici radionice gitare nastavili su rad na etidama, minijaturama i duetima izabranim za njih u skladu sa njihovim mogućnostima i poznavanjem instrumenta. U četvrtak, 28-og maja u omladinskom centru Brčko distrikta dva polaznika radionice gitare, Predrag Jovanović i Eldar Osmanović, predstavili su se publici na dječijoj priredbi oragnizovanoj od strane GLOSS-e (Centar za njemački jezik). Predrag i Eldar odsvirali su Invenciju br.1 J.S.Bacha.

► Radionice sambe

Učesnici radionice ovaj mjesec su osim rutinskog usviravanja uvježbavali kompozicije koju su za grupu pripremili EVS volonter Isambard Reyner i Sanjin Vošanović.

Muzičke radionice za djecu od 7-12 godina imaju sve više učesnika. Učesnici se upoznaju sa osnovama muzičke pismenosti i rade u grupi na kratkim ritmičkim frazama koje za njih pripremaju lokalni i međunarodni volonteri.



JEZIČKE RADIONICE

Kursevi engleskog i njemačkog jezika su nastavljani u junu. U školskoj 2014./2015. godini 30 studenata je pohađalo ove kurseve, a bili su podijeljeni u tri grupe (Početni 1, Početni 2 za djecu i odrasle i Srednji 1 za djecu). Svaka grupa je imala dva časa sedmično u trajanju od sat i po, a časovi su se održavali u prostorijama Omladinske organizacije Svitac i Omladinskom centru Brčko distrikta. Starost studenata je bila od 8 do 35 godina. Na kraju mjeseca juna svi studenti su polagali usmene i pismene ispite. Diplome će biti podijeljene početkom mjeseca jula dok će kursevi jezika biti nastavljani u septembru.

► Radionica engleskog jezika „I love English”

Učesnici su i u junu nastavili sa diskusijama i pro/kontra argumentacijama na 4 do 6 teme koje bi odredio koordinador, te bi na taj način vježbali izgovor i neformalnu konverzaciju. Koordinator radionica je EVS međunarodni volonter iz Velike Britanije, John Streatfield. Radionice se održavaju ponedjeljkom i srijedom u terminu od 19:00-20:00 u Omladinskom centru Brčko distrikta. Trenutno ima 8 učesnika, uzrasta 15+.

► ŠTA IMA ?! (SPRECHEN-THEMEN- ARGUMENTIEREN) - Radionice njemačkog jezika

Interaktivne radionice njemačkog jezika su i dalje rado posjećene i veoma dobro isplanirane, i za one koji zaista žele nešto da nauče od velike su koristi.

Međunarodni volonteri Omladinske organizacije Svitac iz Njemačke, Nicolas Zdun i Tamara Wonner su u ovom mjesecu učestvovali na interaktivnoj radionici njemačkog jezika u JU Poljoprivrednoj i medicinskoj školi Brčko distrikta. Ovaj vid suradnje će se nastaviti ponovo u septembru, gdje će njemački volonteri Omladinske organizacije Svitac učestvovati u realizaciji školskog programa njemačkog jezika i prisustvovati jednom mjesečno na jednoj od interaktivnih radionica.



✚ SPORTSKE RADIONICE



EVS volonter iz Njemačke.

Svakodnevne sportske radionice su u junu nastavljene po regularnom rasporedu. Broj učesnika je 15 uzrasta 8+.

Učesnici su oduševljeni sportskim radionicama, tako da se uvijek nađe dodatna zabava uz takmičarsku igru ili uživanje u timskim igrama. Radionice se održavaju četvrtkom u Omladinskom centru od 14:00-15:30. Sportske radionice za odrasle uključuju Freeletics vježbe za održavanje kondicije i jačanja fizičkih sposobnosti. Radionice za odrasle se održavaju utorkom i četvrtkom u Omladinskom centru od 21:00-22:00 časova. Trenutno ima 8 učesnika.

Koordinator sportskih radionica je Nicolas Zdun, međunarodni

✚ SARADNJA SA ŠKOLAMA I DRUGIM ORGANIZACIJAMA



Međunarodni volonteri iz Njemačke Omladinske organizacije Svitac Tamara Wonner i Nicolas Zdun su u maju posjetili JU Gimnaziju „Vaso Pelagić“ u Brčko distriktu i učestvovali na interaktivnoj radionici njemačkog jezika na temu budućnost i obrazovanje mladih u BiH i Njemačkoj.

Tamara Wonner je takođe učestvovala na eventu „Stammtisch“, kojeg je organizovao "Glossa – centar za njemački jezik" u Brčkom. Prisutni su imali priliku da razgovaraju sa izvornim govornicima njemačkog jezika, te na taj način prošire svoj vokabular i usavrše postojeća znanja njemačkog jezika.

Za jul se planira nastavak svih redovnih radionica Omladinske organizacije Svitac i realizacija projekta Muzički kamp 2015.



H.O. Muslimansko dobrotvorno društvo - MERHAMET DOBOJ
Kralja Aleksandra 17, 74 000 Doboj
Tel./fax: 053 226 886
E-mail: merhamet.doboj@cutuk.net
Web: www.ngo.ba; www.facebook.com/Merhamet-Doboj

✚ AKTIVNOSTI H.O. „MERHAMET-A“ DOBOJ U JUNU

- Predsjednica „Merhameta“ Doboj, Avdić Faketa prisustvovala likovnoj izložbi učeničkih radova „1000 TULIPANA ZA HOLANDIJU“ koja je održana 3. juna 2015. godine u sali Skupštine grada Doboja. Organizatori Izložbe: Udruženje za pomoć djeci sa posebnim potrebama Doboj i JU OŠ „Vuk Stefanović Karadžić“ Doboj.
- Volonterke „Merhameta“ Doboj Mirnesa Bećirodobašić i Amra Mišić prisustvovala obilježavanju 5-og juna - Svjetskog dana zaštite životne sredine koje je održano u gradskom parku u Doboju.
- Predsjednica „Merhameta“ Doboj, Avdić Faketa prisustvovala Okruglom stolu na temu „Unapređenje sistema javnih nabavki“ u organizaciji UG ToPeeR koji je održan u hotelu Integra u Doboju - 08.6.2015.



- Donacija proizvoda firme „MADI“ d.o.o. Tešanj za članove „Merhameta“ Doboj.
- Predsjednica „Merhameta“ Doboj, Avdić Faketa prisustvovala promociji knjiga: „Trnopolje“, „Putem smrti do slobode“ i „Hamza Gastarbajter“, autora Suvada Čehića koja je održana u galeriji Centra za kulturu Doboj - 11.6.2015. godine. Promotori: dr. Bešlagić Zijad-predsjednik BZK „Preporod“ Doboj, Husein Velić - glavni imam Medžlisa IZ Prijedor i Edina Velić - kćerka autora knjiga.
- Volonterke „Merhameta“ Doboj učestvovala u akciji obnove inkluzivnog igrališta za djecu u Doboju - 16.6.2015. godine.



- Omladinska organizacija „Šesto čulo“ Doboju u suradnji sa Koalicijom „Tolerantno i pozitivno iz Doboja“ čija članica je i H.O. „Merhamet“ Doboju i sa Arigatou International / GNRC - Global Network of Religions for Children u okviru obilježavanja Međunarodnog dana Anne Frank (12.06.2015.), raspisala javni poziv za literarni konkurs „Kako bi završio/la dnevnik Anne Frank“ za sve osnovce i srednjoškolce sa područja grada Doboja.

Dodjela nagrada je održana u Jevrejskoj zajednici Doboju, kao i predavanje „Sjećanje u pokretu“ - trenerica Olivera Đeordžić Nedić i film „Memoari Anne Frank“. Nagrade su osvojili: Sanja Blagojević, Nedim Isić i Amina Hadžikadunić.



- Predsjednica „Merhameta“ Doboju, Avdić Faketa prisustvovala konferenciji „BiH OCD u socijalnom/društvenom preduzetništvu - javne politike, zakoni, prakse“, koja je održana od 23.-24. juna 2015. godine u hotelu Bristol u Sarajevu u organizaciji TASC0 BIH.
- Predsjednica „Merhameta“ Doboju, Avdić Faketa prisustvovala dodjeli Novinarske nagrade i pratećoj konferenciji koja je održana 26. juna 2015. godine u Domu mladih u Sarajevu u organizaciji „ACCOUNT“ mreže.
- Opština Doboju dodijelila zahvalnicu H.O. „Merhametu“ Doboju za sprovođenje humanitarnih akcija poplavljenom stanovništvu grada Doboja 2014. godine koje je održano 27.6.2015. godine u Centru za kulturu i obrazovanje u Doboju.



**UDRŽENJE MLADIH "BEZOGRANIČENJA" NOLIMIT**

Mala Aleja 40, 71 210 Ilidža

Tel.: + 387 61 069 432

E-mail: umnolimit@hotmail.comWeb: nolimit.com.ba**✚ POZIV ZA LJETNU ŠKOLU GITARE**

Udruženje mladih "BezOgraničenja" NoLimit od 20 jula do 20 avgusta će realizovati projekt pod nazivom Ljetna škola gitare, namijenjena svim mladim općine Ilidža Sarajevo.

Projekt je podržan od strane Općine Ilidža, tehnički i administrativno od Instituta za razvoj mladih KULT i Vijeća mladih općine Ilidža.

Prijave za učešće mogu se izvršiti putem e-maila:

umnolimit@gmail.com ili telefonom: 061 069 432.



**PRONI CENTAR ZA OMLADINSKI RAZVOJ**

Mehmedagića 24, 76 100 Brčko distrikt BiH

Tel./Fax: 00 387 49 217 695

E-mail: pronibrcko@teol.netwww.pronibrcko.bawww.pronibrcko.ba**✚ PRONI LOKALNI VOLONTERSKI SERVISI UČE NOVE VJEŠTINE**

Omladinski komunikativni centar u saradnji sa Međunarodnim centrom Olof Palme održao je trening o vođenju kampanja javnog zagovaranja u oblasti „Volontiranja“. Trening je održan u Banjaluci od 8.06. do 10.06. 2015. godine i dio je projekta „Volonteri čine promjenu“.



Trodnevni trening je vodio Domagoj Kovačić iz SEEYN-a (Mreža mladih JI Evrope). Na treningu je učestvovalo 14 predstavnika Lokalnog volonterskog servisa, među kojima je i LVS Bijeljina i LVS Brčko. Oba lokalna servisa za volontere vodi PRONI Centar. Na treningu su sumirana dosadašnja iskustva u radu mreže, razgovaralo se o mogućnostima angažovanja i animiranja volontera, o trenutnom nivou prepoznatljivosti volonterizma u lokalnim zajednicama participanata i njihovoj ulozi u promociji i zagovaranju, o osnovama kvalitetnog partnerstva u zajednici i komunikaciji sa različitim akterima, o mogućnostima i preprekama sa kojima se susreću tokom rada, te i planiranim budućim aktivnostima mreže.

Cilj treninga je bio da se podrže participanti u procesu definisanja ličnih ciljeva učenja i akcije, da se pruže osnovne informacije o elementima kvalitetnog partnerstva za društvenu promjenu, da se motivišu i podrže učesnici u planiranju akcije u zajednici na ličnom i organizacijskom nivou, da se osigura prostor za razvoj stavova, vještina i znanja potrebnih za vođenje kampanja javnog zagovaranja u skladu s potrebama participanata.

✚ PRONI BREAK DANCE GRUPA X DANCERS CREW OSVAJA NAGRADE



Grupa mladih aktivista PRONI Centra okupljena u break dance grupu vrijedno vježba već nekoliko godina u Omladinskom centru Brčko. Njihove radionice, koordinaciju i treninge vodi naš volonter Edo Ćerimović i volonter Damir Pervanović.

Ova jedinstvena grupa okuplja i dječake i djevojčice različitog uzrasta koji se bave ovom urbanim plesom. Treninge održavaju dva puta sedmično i često odlaze na takmičenja.

Nedavno su na jednom od najvećih balkanskih takmičenja *Ultimate Falsh Back Battles* u Zagrebu, gdje naš najmlađi član Kenan Ćerimović Kenox, osvojio prvo mjesto u kategoriji juniora, što znači da je on balkanski prvak za break dancere do 12 godina. Istovremeno u kategoriji seniora, naš Emir Preljević Prleja je osvojio 4. mjesto, a 3. Armina Kalač, još jedan član grupe X Dancers Crew

Pobjednici će imati priliku sudjelovati na *King of the kidz* 2016.

Breakdance je ples, ujedno jedan od elementa hip-hopa koji zahtijeva višesatno vježbanje i trud kroz više godina. Razvio se krajem 1970-ih u Bronxu i Harlemu.

✚ PRONI CENTAR POTPISAO UGOVOR ZA NOVI PROJEKT U BIJELJINI

PRONI Centar za omladinski razvoj 2.6.2015., je potpisao ugovor sa gradonačelnikom grada Bijeljina, Mićom Mičićem o finansiranju projekta "**Volonterizmom do razvoja lokalne zajednice**".

Ovim projektom PRONI će nastaviti raditi na razvoju volonterizma na području grada Bijeljina, ali i cjelokupne sjeveroistočne Bosne i Hercegovine. Kao organizacija koja vodi dva Lokalna volonterska

servisa, jedna od osnivačica *Mreže volonterskih servisa* Republike Srpske i članica mreže Volontiram PRONI se već godinama zalaže za rješavanje legislative volontiranja svih, a posebno mladih.

LVS je struktura koja radi na razvoju i implementaciji kvalitetnog sistema volonterskog menadžmenta i koja kroz ovaj sistem daje doprinos u rješavanju problema u lokalnoj zajednici kroz uspostavljanje balansa između ponude i potražnje za ljudskim resursima (volonterima).

POZIV ZA TRENING - PISANJA PROJEKTNIH PRIJEDLOGA

Kontakt točka za Erasmus+: područje mladih u Bosni i Hercegovini organizira program trening obuke za pisanje projekata za Erasmus+ YiA.

Program trening obuka se radi u suradnji sa Povjerenstvom/Komisijom za koordinaciju pitanja mladih u BiH i obuhvatit će nekoliko treninga tijekom 2015.

Kroz interaktivni rad na treninzima mladi će imati priliku upoznati se sa osnovnim komponentama programa, primjerima dobre prakse iz prethodnog programa, mogućnostima koje pruža kontakt točka.

Istovremeno trening će dati praktično znanje o pisanu same aplikacije za pozive za područje mladih u okviru prozora za zapadni Balkan. Ovo će biti prilika za upoznavanje sa radom organizacija iz Bosne i Hercegovine. Program trening obuke je namijenjen predstavnicima/cama organizacija koje imaju osnovno znanje iz prethodnog programa.

PRVI trening je namijenjen mladima iz organizacija, vijeća mladih, savjeta mladih, omladinskih poduzeća iz banjalučke regije. **Trening se održava u Banja Luci.** Napominjemo da će trening obuke biti još do kraja godine za učesnike iz drugih dijelova Bosne i Hercegovine.

TRENING U BRČKOM ZA MLADE MIROVNJAKE

U Brčkom je od 25-27.06.2015. godine održan trening pod nazivom “**Peace Mitigation Education of youth in BiH**“. Treningu su prisustvovali mladi iz nekoliko opština u BiH, koji su dobili znanja iz oblasti mirovnog aktivizma, te će u narednom periodu implementirati mirovne projekte u svojim opštinama.

Projekt implementira Catholic Relief Services u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzle i Helsinškim parlamentom građana Banja Luka.



NOVI ČLANOVI



FONDACIJA BORIS DIVKOVIĆ

Branilaca Sarajeva 5/1, 71 000 Sarajevo

Tel.: 063 898 979

E-mail: office@bdf.ba

Web: <http://bdf.ba/>

KRATAK ISTORIJAT ORGANIZACIJE

Fondacija Boris Divković je osnovana 1. novembra 2013. godine s ciljem unapređivanja političkih nauka i političke prakse u Bosni i Hercegovini. Fondacija će promovisati odgovornu politiku, koja će služiti svim građanima i građankama i djelovati na principima jednakopravnosti, suživota i solidarnosti.

Vizija Fondacije Boris Divković je obilježena težnjom da se politička djelatnost uskladi sa osnovnim moralnim principima, što je ideja za koju se Boris Divković zalagao tokom čitavog svog angažmana. Široka rasprostranjenost mišljenja da je spoj morala i politike nemoguć samo je posljedica višedecenijske vladavine neodgovornih politika. Fondacija Boris Divković polazi od pretpostavke da je moguće i potrebno provesti ideološku dekontaminaciju pojma politike u javnom prostoru, čime bi se stvorio uslov za involviranje poštenih i odgovornih ljudi u bh političke procese.

Fondacije Boris Divković je svoj rad podijelila u tri programske grupe: Politička akademija Boris Divković, Stipendija Boris Divković i Odgovorne politike. U sklopu programa Politička akademija Boris Divković organizovali smo prvi modul akademije u novembru 2014. godine, a u sklopu programa Odgovorna politika organizovali smo niz diskusija o temama koje se tiču javnog života u BiH i političke odgovornosti, a uključuju pitanja ljudskih prava, učešća žena u političkom životu, religije u društvu, pomirenja i suživota.

CILJEVI I DJELATNOSTI FONDACIJE

- Zalaganje za unapređivanje političkih nauka i prakse u Bosni i Hercegovini, u svrhu podizanja znanja mladih političara
- Rad na obezbjeđivanju mogućnosti stručne prakse i stipendiranja studenata političkih i drugih društvenih nauka
- Poticanje permanentnog obrazovanja i usavršavanja studenata političkih i drugih društvenih nauka u Bosni i Hercegovini, posebno onih koji kroz svoj studij ili društveni angažman utječu na jačanje pravičnog i građanskog društva;
- Zalaganje za poticanje i promoviranje ideje zajedništva svih građana i građanki BiH i socijalne pravde;
- Zalaganje za zaštitu ljudskih prava i fundamentalnih sloboda, te prava marginaliziranih grupa;
- Organiziranje radionica, seminara, predavanja, treninga, konferencija, u svrhu ostvarivanja djelatnosti Fondacije, u skladu sa Zakonom.
- Pomoć i podrška razvijanju različitih oblika istraživačkog, kulturnog, političkog, ekonomskog, umjetničkog i dr. oblika djelovanja i organizovanja, na svim nivoima u Bosni i Hercegovini, koje doprinosi uspostavljanju pravičnog društva;
- Izdavanje publikacija, knjiga, brošura, biltena i drugih materijala radi ostvarenja statutarnih ciljeva i djelatnosti, u skladu sa Zakonom.
- Pomoć i podrška socijalno isključenim grupama stanovništva u svrhu poboljšanja njihovog socijalnog statusa uopće.

- Pružanje finansijske podrške formalnim i neformalnim grupama, kao i pojedincima/kama u implementaciji projekata iz oblasti socijalne pravde, formalnog i neformalnog obrazovanja, aktivizma, zaštite okoliša, kulture, koji pri tome imaju za cilj poboljšanje uslova života svih građana i građanki BiH i doprinose ekonomsko-socijalnom razvoju bh društva;
- Dodjela godišnjih stipendija u sjećanje na lik i djelo Borisa Divkovića.

✚ **KONTAKT OSOBA:** Arijana Aganović, izvršna direktorica



UDRUŽENJE ZA DRUŠTVENA ISTRAŽIVANJA I KOMUNIKACIJE (UDIK)
Grbavička 51, 71 000 Sarajevo
Tel./fax: +387 (0) 33 978 600 033 978 605
E-mail: official.udik@outlook.com; official.udik.brcko@outlook.com
Web: www.udik.org; www.udik-brcko.org

✚ **KRATAK ISTORIJAT ORGANIZACIJE:**

Udruženje za društvena istraživanja i komunikacije (UDIK) je osnovano 2013. godine kao ideja osnivača Edvina Kanke Ćudića za promocijom, memorijalizacijom, otvaranjem dijaloga i podizanjem svijesti građana u BiH prema počinjenim ratnim zločinima.

Karakteristiku UDIK-a predstavljaju protesti šutnjom u crnini ispred sarajevske Katedrale. Zvanična parola organizacije je **Nacionalizam ubija**. UDIK je do danas bio prva organizacija u BiH koja je javno na trgu ispred sarajevske Katedrale obilježila zločine nad civilima u Vukovaru, zločin nad srpskim civilima u Kravici, zločine nad hrvatskim Srbima u operaciji Oluja, zločin nad srpskim civilima u Sarajevu na Kazanima, otmicu Bošnjaka na stanici u Štrpcima...

Svake godine obilježava Međunarodni dan borbe protiv fašizma i Međunarodni dan sjećanja na žrtve holokausta u Sarajevu, te ubistvo djevojčice Matee Jurić u Zenici. Do danas su posjećivali lokacije masovnih zločina u Brčkom, Tuzli, Vukovaru, Bratuncu, Srebrenici, Kravici, Zenici, Sarajevu, Prijepolju, Foči, Višegradu, Ahmićima, te nad jamom Kazani..

U maju 2015. bili su prva organizacija u BiH koja je javnim činom obilježila IDAHOT postavljanjem zastave duginih boja u Sarajevu, pri tome ističući da je Sarajevo grad koji zaslužuje da prati tokove evropskih metropola.

Od februara do jula 2015. godine vodili su regionalnu kampanju „20 godina od genocida u Srebrenici“, čije su se aktivnosti održavale u Srbiji, Hrvatskoj i Bosni i Hercegovini. Godine 2014. UDIK je otvorio svoju kancelariju i u Brčko distiktu BiH.

✚ **KONTAKT OSOBE:** Edvin Ćudić, koordinator UDIK-a, Vanja Tripić, office manager

INFORMACIJE / DONATORI / POZIVI

1. ROBERT BOSCH STIFTUNG: FINANSIRANJE ZA PROJEKTE NA PODRUČJIMA IZGRADNJE MIRA I TRANSFORMACIJE SUKOBA

Broj sukoba unutar zemalja, kao i sukoba među nacijama je i dalje u porastu u posljednjih nekoliko godina. Ovaj trend prati veći broj lokalnih, regionalnih i međunarodnih inicijativa transformacije sukoba. Stoga postoji velika potreba za ciljanom i pravovremenom podrškom.

Naš cilj je podržati projekte koji služe facilitiranju transformacije sukoba u sukobu (i prošlih sukoba) društava u različitim regijama. Kao rezultat toga su podržani projekti koji se fokusiraju na suočavanje sa prošlosti, uključujući pitanja tranzicijske pravde, posredovanja, ljudska i manjinska prava, jedinstvenu ulogu digitalnih tehnologija u sukobima (i postkonfliktnim društvima), načine izvještavanja o sukobima, i ulogu religije u sukobima.

Posebno smo voljni podržati projekte koji omogućuju prijenos dobre prakse iz jedne regije ili ciljanog u područja u drugo. Tokom čitave godine se primaju prijave za finansiranje projekata do 25.000 eura.

Više informacija na:

<http://www.mreza-mira.net/20250-finansiranje-za-projekte-na-podrucjima-izgradnje-mira-i-transformacije-sukoba/#sthash.WFOhuiRm.dpuf>

2. FOND OMLADINSKOG ANGAŽMANA

Omladinski angažman ima važnu ulogu u pokretanju zajednice i poticanju razvoja, jer podrazumijeva uključenost mladih u rješavanje mnogih pitanja za poboljšanje vlastitog položaja, ali i cjelokupne zajednice. Dok se većina mladih u Bosni i Hercegovini opisuju kao pasivni, ostaje zanemarena činjenica da mladi ljudi često nemaju potporu, ni usmjerenje, u svojim zajednicama kako bi ostvarili promjenu, zbog čega mnoge njihove želje i ideje ostaju neostvarene.

Kroz omladinski angažman mladi pokazuju da su ključni resurs svojih zajednica, uključuju se u odgovorne i izazovne akcije, i preuzimaju ulogu aktivnih građana.

Fondacija SHL nudi financijsku i mentorsku podršku mladima, posebno onima koji nisu imali iskustva u omladinskom angažmanu, da svoje ideje pretvore u stvarnost. Mladi diljem Bosne i Hercegovine vode omladinske kampove i sastanke, regrutiraju volontere, prikupljaju novac u humanitarne svrhe, organiziraju sportske i kulturne događaje, savjetuju i daju podršku svojim vršnjacima, te na razne načine utječu na svoje zajednice. Pritom stječu organizacijske i liderske sposobnosti, praktična iskustva i aktivno sudjeluju u donošenju odluka.

Za financijsku potporu Fondacije SHL mogu aplicirati omladinske organizacije, neformalne grupe i pojedinci kroz dva oblika podrške – **Fond omladinskog angažmana** (namijenjen lokalnim inicijativama u Bosni i Hercegovini) i **Movements Across Borders** (fond za prekograničnu suradnju mladih iz Bosne i Hercegovine i Srbije).

Prijavne obrasce trebate prvo snimiti na vaš računar, pa onda početi sa popunjavanjem.

Link za više informacija i prijave:

<http://shl.ba/index.php/lat/omladinski-angazman>

3. PROGRAM PODRŠKE CIVILNOM DRUŠTVU ZA OPORAVAK OD POPLAVA 2014

Delegacija Evropske unije u Bosni i Hercegovini objavljuje poziv za podnošenje prijedloga projekata za aktivnosti vezane za „program podrške civilnom društvu za oporavak od poplava 2014.“ finansiranih iz Programa Predpristupne Pomoći za 2014. godinu.

Rok za podnošenje projekata je 22. jula/srpnja 2015. godine u 16:00 sati po lokalnom vremenu.

Kompletna dokumentacija za prijavu projekata može se dobiti **na sljedećoj adresi:**

Delegacija Evropske unije za Bosnu i Hercegovinu,
Sektor Finansija, Sekcija Nabavki, Skenderija 3a, 71 000 Sarajevo

ili na web stranicama:

<https://webgate.ec.europa.eu/europeaid/online-services/index.cfm?do=publi.welcome>

i
<http://www.europa.ba/Tenders.aspx?lang=EN&cat=2>

Kompletnan poziv i popratna dokumentacija: [CS-flood-recovery-final](#)

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design

Webmaster:

Emir Delalić-Zeko -
Tuzla

emir.delalic@gmail.com

web: www.omladina-bih.net

mejling lista Mreže:

posta@omladina-bih.net

Adrese za slanje vaših informacija za mjesečni bilten:

hcatuzla@bih.net.ba; orcuzla@bih.net.ba

fax: 035 258 077

Omladinski resursni centar Tuzla

Hadži Bakirbega Tuzlića 1,
75000 Tuzla

tel / fax: 035 258 077

e-mail: orcuzla@bih.net.ba

hcatuzla@bih.net.ba

Mjesečni bilten uređuje Omladinski resursni centar - ORC Tuzla